

Ma phanden o prakticka školi, mangel o rjad'itela the o daja o dada le ministros Fiala

23. novembris 2012 15:25

O rjad'itela, o učitelja tho daja dada na kamen, kaj pes te zrušinen o prakticka školi. Paraš'ovine dine le ministroske vaš o sikhad'ipen e peticija – podpisinde la vaj 76.000 džene, bo kamen, kaj o zvlaštna školi te ačhen phundrade. Duminen, hoj o čhave, so len hin loko mentalno retardacija, na birinenas te sikh'ol andre normalna školi.



O prakticka školi na kamen, kaj len te phanden andre. | foto: Michal Klíma, MAFRA

Prakticka školi

Andre ajse školi phiren o čhave, so len hin **loko mentalno retardacija (lengero IQ hin maškar 50 the 70)**. Kas kempel te del andre PŠ phenel o pedagogicko-psichologicka poradňi, ač'e kempel, kaj te priačhel the e daj o dad. O čhave, so hine phareder nasvale pre god'i, phiren pre **specialna školi**.

O džene, so podpisind'an e peticija, kamen, kaj o čhave le specialnone sikhad'ipnaskere kempel'ipenca te phiren andro školi, so hine ča vaš lenge. „Amen terd'uvass pr'oda, kaj o prakticka školi te ačhen. Amari peticija avle te podpisinel 76.600 džene tel šov kurke,“ phend'a o Gordon Brei, o rjad'itelis andre škola ZŠ Lidická Brnate.

La peticijakere signatara phenen, hoj andre normalna školi, le učiteljen nane aňi ajci love aňi ajci časos, kaj te bečel'inen pal ajse čhave avka, sar bi kampilas. " Andre čačuňi demokracija našti phenen le dajenge dadenge , kaj vaš lengere čhave našti chuden avri nič aver ča e normalno škola,“ pisinel pes andre peticija.

O džene, so terd'on pal e peticija, tiž daran, kaj le čhaven le specialnone sikhad'ipnaskere kempel'ipenca avena problemi, kana chudena te phiren pre normalna školi, vaš oda, hoj pro prakticka školi pes sikhavel pal o lokeder specijalno sikhavipnaskero programos.

(...)

O džanle the o maškarthemutne organizaciji kritizinen e Čechiko republika, hoj but romane čhave phiren pro prakticka školi. E školakeri inspekciya phenel, hoj sako štarto čhavo, so phirel pro prakticka školi, hino romano, o ombudsmanos phenel, hoj imar sako trito hino romano. ([adaj šaj genen buter](#)).

Preilo andal: http://zpravy.idnes.cz/prakticke-skoly-protestuji-proti-svemu-ruseni-f5f-domaci.aspx?c=A121123_124123_domaci_jj